

Ástæður þessa eru ýmsar, en augljóst er, að full innheimta þessarar fjárhæðar er ekki örugg. Ákveðið var að meta þennan óvissuþátt á kr. 15 000 000,00 eða tæp 6,7%. Ógreiddir og áfallnir vextir í árslok 1982 eru því taldir kr. 210 083 885,00.

2) Húsbúnaður, vélar og tæki, keypt á árinu kr. 852 þús. (árið 1981 kr. 971 þús.) eru gjaldfærð að fullu eins og á undanförunum árum.

3) Framlag til afskriftarreiknings er kr. 63 000 þús. og eru það tæp 2% af útlánnum sjóðsins í árslok. Reikningurinn er myndaður til að mæta þeirri almennu áhættu, sem fylgir útlánastarfsemi.

4) Eins og á fyrra ári fylgir uppgjöri sjóðsins eignabreytingareikningur, sem sýnir allar hreyfingar á höfuðstól vegna gengis- og vísitölubreytinga. Um þennan reikning hafa frá upphafi verið færðar kr. 348 418 190,04 á verðtryggingarreikning eigin fjár. Þessi reiknings-skilaaðferð kemur í stað þess að færa verðbreytingafærslur á rekstrarreikningi.

Ef verðbreytingafærslur hefðu verið notaðar hefði sjóðurinn fært til gjalda a. m. k. kr. 468,5 milljónir reikningsárin 1979–1982 og afkoma hans þannig orðið mun lakari en reikningarnir sýna.

Vaxtaafsláttur:

Fyrir atbeina ríkisstjórnarinnar var í september 1982 ákveðin tímabundin breyting á kjörum útlána sjóðsins til fiskiskipa. Á tímabilinu 1. október 1982 til 30. september 1983 gefur sjóðurinn eftir tiltekinn hundradshluta vaxta (áætlað 30%), sem falla til greiðslu á skipalán. Vaxtaeftirgjöfin svarar í heild til 100 milljóna króna miðað við verðlag í byrjun september 1982. Í árslok 1982 nam eftirgjöfin u. þ. b. 44 milljónum króna, sem ella hefðu komið til tekna. Sú eftirgjöf vaxta, sem samkvæmt framansögðu kemur til framkvæmda á árinu 1983 er á verðlagi 31. desember 1982 áætluð 72 milljónir króna og mun að sjálfsögðu ýra tekjur ársins 1983, en er hvorki færð til skulda né gjalda á árinu 1982.

23. mars 1983

Nr. 184

GJALDSKRÁ

fyrir heimilishjálpi í Stykkishólmi.

1. gr.

Fyrir þjónustu veitta samkvæmt reglugerð um heimilisþjónustu skal sá, er þjónustu nýtur, greiða gjald samkvæmt eftirfarandi gjaldstiga:

1. taxti kr. 17,25 fyrir hverja unna klukkustund
2. taxti kr. 24,50 fyrir hverja unna klukkustund
3. taxti kr. 69,00 fyrir hverja unna klukkustund

2. gr.

1. taxti gildir fyrir þá notendur sem eru elliífeyrisþegar með fulla tekjutryggingu.
 2. taxti gildir fyrir þá notendur sem auk tekjutryggingar þiggja greiðslur úr lífeyrissjóði.
 3. taxti gildir fyrir þá er hafa hærri tekjur en að framan greinir, en þurfa þjónustu þessa vegna tímabundinna veikinda eða annarra hliðstæðra ástæðna.

3. gr.

Gjaldstiginn er saminn með viðmiðun við tímakaup starfsfólks heimilisþjónustunnar og ber að breyta honum til samræmis við þær breytingar sem á launum verða.

4. gr.

Heimilt er að víkja frá gjaldskrá þessari, ef umsókn um það berst og aðstæður krefjast.

5. gr.

Heimilishjálp sem innt er af hendi eftir 1. janúar 1983 skal greidd eftir þessari gjaldskrá.

Gjaldskrá þessi sem samin er og samþykkt af hreppsnefnd Stykkishólms staðfestist hér með samkvæmt lögum nr. 10 frá 25. janúar 1952 um heimilishjálp í viðlögum, til þess að öðlast gildi.

Félagsmálaráðuneytið, 23. mars 1983.

F. h. r.
Hallgrímur Dalberg.

Hólmfríður Snæbjörnsdóttir.

AUGLÝSING

**um breytingu á samþykkt um gatnagerðargjöld í Stykkishólmi
nr. 420 8. júlí 1982.**

6. gr. orðist svo:

Gatnagerðargjald B er gjald vegna þátttöku húseigenda og lóðarhafa í að leggja bundið slitlag á götur og til lagningar gangstétta. Gjaldið nemur ákveðnum hundradshluta byggingarkostnaðar á rúmmetra eins og hann er talinn af Hagstofu Íslands svo sem hér segir:

1. Einbýlishús með eða án tvíbýlisaðstöðu	3,0%
2. Tvíbýlishús og sambyggð einbýlishús á einni hæð og raðhús	2,4%
3. Tveggja hæða fjölbýlishús	2,0%
4. Fjölbýlishús 3 hæðir eða meira	1,0%
5. Verslunar- og skrifstofubyggingar	3,0%
6. Iðnaðarhús, vörugeymsla og annað atvinnuhúsnæði	1,5%
7. Opinberar byggingar	3,0%
8. Bílgeymslur	3,0%
9. Önnur hús	1,0%

Gjald af húsnæði öðru en bifreiðageymslum skal þó aldrei vera lægra en sem svarar 300m³.

Auk þessara gjalda skulu lóðarhafar greiða í gatnagerðargjald kr. 60,00 af hverjum fermetra lóðar.

Samþykkt þessi sem samin er og samþykkt af hreppsnefnd Stykkishólms hrepps staðfestist hér með samkvæmt lögum um gatnagerðargjöld nr. 51/1974 til þess að öðlast gildi þegar í stað.

Félagsmálaráðuneytið, 23. mars 1983,

F. h. r.
Hallgrímur Dalberg.

Hólmfríður Snæbjörnsdóttir.